



Cov Txwj Laus Saib Xyuas Kev Ua Liaj Ua Teb Hauv Nroog

Cov Lus Nug Uas Neeg Nquag Muaj

Lub Yim Hi 2023

Cov Txwj Laus Ntawm Lub Chaw Tuav Dej Num Saib Xyuas Kev Cog Qoob Loo Hauv Nroog Puas Yog Ib Cov Txwj Laus Tshiab?

Nyob hauv xyoo 2020, USDA tau pib tsa FSA thawj pab txwj laus nyob hauv nroog los mus saib xyuas kev ua liaj ua teb hauv nroog. Cov txwj laus ntawm no yog ib feem ntawm USDA cov hauj lwm los mus ua kom muaj kev pab zoo tshaj ntxiv rau kev ua liaj ua teb hauv nroog thiab txhua pab txwj laus yeej muaj txog li ntawm 3 mus rau 11 tus txwj laus. Cov txwj laus saib xyuas kev cog qoob loo hauv nroog yog ib cov neeg cov cog qoob loo uas lawv yeej muab tau tswv yim hais txog FSA cov kev pab cuam txij li thaum 1930 los mus lawm. Lawv yog cov neeg sawv cev cov cog qoob loo thiab yog cov neeg uas yuav teev hais tias cov kev pab cuam rau kev ua liaj ua teb twg yog cov tseem ceeb nyob rau hauv lub nroog.

Cov Hauj Lwm Uas Cov Txwj Laus Saib Xyuas Kev Ua Liaj Ua Teb Hauv Nroog Yuav Los Mus Khiav Nyob Hauj Lwm Dab Tsi?

Cov txwj laus saib xyuas kev ua liaj ua teb hauv nroog yuav khiav hauj lwm los mus hais kom neeg ua thiab tshaj tawm kom neeg paub txog kev ua liaj ua teb nyob hauv nroog, nyob hauv tsev, thiab lwm cov kev ua liaj ua teb. Ntxiv rau qhov ntawm no, cov txwj laus saib xyuas kev ua liaj ua teb hauv nroog kuj tseem khiav hauj lwm rau tej yam zoo li ua kom neeg muaj khoom noj thiab muaj cov khoom uas yuav zoo rau lub cev, muaj kev koom tes los ntawm lub zej zos, muaj kev mus pab cov dej num nyob hauv lub zej zos los mus tshaj tawm kom neeg paub thiab hais kom neeg ua hais txog kev muaj cov khoom noj coj mus tso kom lwj ua chiv, thiab kom tsis txhob muaj cov khoom noj uas neeg muab pov tseg ntau.

Lawv los kuj yog cov neeg uas yuav tau los mus txiav txim, los mloog cov lus uas neeg tsis pom zoo raws li kev txiav txim thiab los mus txiav txim thaum neeg muaj lus tsis txaus siab, thiab mus hais rau cov cog qoob loo hauv nroog thiab cov neeg siv cov kev ua liaj ua teb tshiab kom lawv paub txog FSA thiab Natural Resources Conservation Service (NRCS) tib si.

Vim li cas es cov txwj laus ntawm no thiaj li yog ib cov neeg tseem ceeb?

Los txog tam sim no, nws yeej tsis tau muaj ib txoj kev rau cov neeg cog qoob loo hauv nroog los mus pauv tau tej yam uas USDA muab tso hais tias yog cov tseem ceeb thiab USDA txoj kev muab nyiaj mus pab li. Cov neeg ua cog qoo loo hauv nroog thiab cov neeg siv cov kev cog qoob loo tshiab yeej yog ib cov neeg muaj txuj ci los mus qhia tau hais tias saib tej yam uas yuav tseem ceeb rau cov neeg cog qoob loo thiab lawv cov zej zos yog dab tsi thiab los mus qhia tau hais tias saib USDA yuav ua li cas es lawv thiaj li yuav pab tau cov cog qoob loo thiab cov zej zos. Thaum koj ua ib tus txwj laus ntawm cov txwj laus saib xyuas kev cog qoob loo hauv nroog, koj yuav yog ib tus neeg muaj feem nyob hauv lub nroog cov kev txiav txim hais txog USDA cov kev pab cuam thiab koj yuav pab ua tau kom USDA muaj kev pab zoo rau txoj kev ua liaj ua teb hauv nroog.

Lub Sij Hawm Mus Ua Ib Tus Txwj Laus Yuav Yog Ua Ntev Npaum Li Cas thiab Cov Sij Hawm Ua Ib Tus Txwj Laus Yuav Tau Siv Coj Los Khiav Hauj Lwm Yuav Yog Siv Ntau Npaum Li cas?

Cov txwj laus yuav muaj kev sib tham tsawg kawg los yeej yog li txhua txhua peb lub hlis twg thiab lub sij hawm uas lawv los mus tuav txoj hauj lwm yog ntev li peb xyooos.

~ntau ntxiv~

Cov txwj laus yeej muaj cai los sib tw kom neeg rov qab xaiv lawv mus tuav txoj hauj lwm ntau txog peb zaug los sis ntev txog cuaj xyooos.

Cov Hauj Lwm Uas Cov Txwj Laus Saib Xyuas Kev Ua Liaj Ua Teb Hauv Nroog Yuav Los Mus Khiav Nyob Qhov Twg?

Neeg yeej mus nrhiav tau cov chaw uas cov txwj laus saib xyuas kev cog qoob loo hauv nroog yuav khiav hauj lwm nyob ntawm fsa.usda.gov/elections.

Cov neeg cog qoob loo hauv nroog uas tsis nyob ntawm cov thaj chaw peb tso neeg los mus sim siv qhov kev pab cuam ua ntej thiab xav mus ua ib tus txwj laus nyob rau pawg txwj laus nyob ze lawv tshaj yeej mus nug tau nyob ntawm FSA lub chaw khiav hauj lwm nyob hauv lawv lub nroog. Mus siv peb qhov txuj ci Service Center Locator coj los nrhiav lub chaw khiav hauj lwm nyob hauv koj lub nroog nyob ntawm farmers.gov/service-locator.

Yog Xav Muab Ib Tus Neeg Lub Npe Coj Mus Tso Sib Tw Ua Txwj Laus, Koj Yuav Ua Li Cas?

Cov neeg ua liaj ua teb uas lawv siv USDA ib qhov kev pab cuam los sis lawv yeej pom zoo los mus qhia rau USDA hais txog lawv txoj kev ua liaj ua teb nyob hauv ib thaj chaw uas pom hais tias yuav tau muaj ib cov txwj laus yog cov neeg uas neeg yuav muab tau lawv lub npe coj mus tso rau hauv txoj kev sib tw ua txwj laus los sis lawv yeej muab tau lawv tus kheej lub npe coj mus tso rau hauv txoj kev sib tw. Cov koom haum yeej muab tau neeg npe coj mus tso rau hauv txoj kev sib tw.



Yuav kom mus ua tau ib tus txwj laus, ib tus neeg cog qoob loo yuav tsum tau kos npe rau daim ntawv muab npe mus sib tw FSA-669A. Peb yeej muaj daim ntawv teev npe thiab lwm cov ntaub ntawv hais txog kev xaiv tsa FSA cov txwj laus saib xyuas kev cog qoob loo hauv nroog nyob ntawm fsa.usda.gov/elections los sis farmers.gov/urban.

Cov Hnub Uas Tseem Pub Muab Npe Mus Sib Tw Ua Txwj Laus?

Thaum Ib Nrab Ntawm Lub Rau Hli – FSA yuav pib txais cov ntawv muab npe mus sib tw ua cov txwj laus saib xyuas kev cog qoob loo hauv nroog.

Thaum Pib Lub Yim Hli – Cov ntawv muab npe mus sib tw ua txwj laus yuav tau muaj lub thwj tsev xa ntawv hais tias twb muab xa tawm hnub twg lawm los sis FSA lub chaw khiav hauj lwm hauv lub nroog yuav tsum txais tau lawm.

Thaum Pib Lub Kaum Ib Hlis – Peb yuav muab cov npav xaiv tsa xa hauv tsev xa ntawv mus rau cov neeg uas muaj cai pov npav los mus xaiv cov txwj laus.

Thaum Pib Lub Kaum Ob Hlis – Hnub tom qab kawg uas yuav muab cov npav xa tau rov qab mus rau lub chaw khiav hauj lwm.

Lub Ib Hlis, Tim 1 – Cov txwj laus tshiab yuav los mus tuav hauj lwm.

Lub sij hawm rau ib qhov kev xaiv tsa tshwj xeeb uas peb yuav muab tshaj tawm rau hauv lub nroog kom neeg paub. Tom qab xaiv tau cov txwj laus lawm, cov txwj laus tshiab yuav muaj kev xaiv tsa txhua txhua xyoo raws nraim li tau muab teev tseg rau saum no.

USDA Cov Kev Pab Cuam Rau Cov Neeg Ua Liaj Ua Teb Hauv Nroog yog muaj:

FSA – Noninsured Crop Disaster Assistance Program (FSA - Kev Pab Rau Cov Qoob Loo Raug Kev Puam Tsuj Loj Uas Tsis Muaj Kev Faj Seeb), Organic Certification Cost Share Program (Kev Pab Them Tus Nqi Ntawm Kev Ua Ntaub Ntawv Lees Paub Hais Tias Cov Qoob Loo Yeej Yog Ib Cov Uas Tsis Siv Tshuaj), nyiaj txais rau neeg ua liaj ua teb uas tsis txais ntau, thiab Farm Storage Facility Loans (Cov Nyiaj Txais Rau Neeg Them Chaw Khaws Qoob Loo/Khoom Siv Ua Qoob Loo).

NRCS – Nyiaj pab rau kev txuag khoom thiab kev siv khoom, suav nrog rau cov tsev cog qoob loo, chiv, thiab kev ywg dej.

Kuv yuav ua li cas es kuv thiaj li yuav mus tuav tau txoj hauj lwm ua ib tus neeg pab tswv yim nyob hauv pawg txwj laus saib xyuas kev cog qoob loo hauv nroog?

Ntxiv rau cov txwj laus uas raug xaiv los sis raug tsa, FSA cov txwj laus saib xyuas kev cog qoob loo hauv nroog los kuj tseem muaj cov neeg pab tswv yim sawv cev cov haiv neeg pab pawg tsawg. Cov neeg pab tswv yim yog ib cov neeg uas lawv raug tsa mus tuav hauj lwm nyob hauv cov txwj laus saib xyuas kev cog qoob loo hauv nroog koj los sawv cev cov neeg cog qoob loo uas tsis tau kev pab txaus (haiv neeg pab pawg tsawg los sis poj niam) kom neeg sawv cawv ncaj ncees. Cov neeg uas xav mus tuav txoj hauj lwm ua neeg pab tswv yim nyob hauv pawg txwj laus saib xyuas kev cog qoob loo hauv nroog yuav xa tau lawv tsab ntawv thov mus rau FSA lub chaw khiav hauj lwm nyob hauv lawv lub nroog.

Yog Xav Paub Ntxiv
Mus xyuas ntawm farmers.gov/urban thiab fsa.usda.gov/elections.